

20240631450

LIGJ PËR NDRYSHIMIN DHE PLOTËSIMIN E LIGJIT TË MEDIEVE

Neni 1

Në Ligjin e Medieve (“Gazeta Zyrtare e Republikës së Maqedonisë nr. 184/13 dhe 13/14”) në nenin 1, në paragrafin (1), pika në fund të fjalisë fshihet dhe shtohen fjalët: “si dhe kushtet dhe procedura për dhënien e mbështetjes financiare për shtypjen dhe shpërndarjen e medieve të shtypura”.

Neni 2

Pas nenit 28 shtohen tre tituj të ri dhe tre nene të reja 28-a, 28-b dhe 28-v, të cilët janë:

“Mbështetje financiare për shtypjen dhe shpërndarjen e medieve të shtypura

Neni 28-a

(1) Qeveria e Republikës së Maqedonisë së Veriut (në tekstin e mëtejme: Qeveria) një herë në vit në vitin aktual kalendarik shpall thirrje publike për mbështetje financiare për shtypjen dhe shpërndarjen e medieve të shtypura për vitin paraprak kalendarik.

(2) Thirrja publike nga paragrafi (1) i këtij neni përmban kushtet nga neni 28-b, paragrafi (3) të këtij ligji dhe zgjat dhjetë ditë nga dita e publikimit. Thirrja publike publikohet në faqen e internetit të Qeverisë, si dhe në më së paku tri gazeta ditore që botohen në territorin e Republikës së Maqedonisë së Veriut, nga të cilat njëra nga gazetatat që botohen në gjuhën që flasin së paku 20% e qytetarëve që flasin gjuhën zyrtare të ndryshme nga gjuha maqedonase.

(3) Mbështetja financiare për shtypjen dhe shpërndarjen e medieve të shtypura, realizohet nga mjetet e parapara nga Buxheti i Republikës së Maqedonisë së Veriut, ashtu që mbështetja e përgjithshme financiare për shtypjen dhe shpërndarjen e mediave të shtypura nuk duhet të kalojë shumën prej 0,03. % e të hyrave tatimore të realizuara dhe të përcaktuara në llogarinë e fundit përfundimtare të miratuar me Buxhetin e Republikës së Maqedonisë së Veriut.

(4) Medieve të shtypura që botohen në gjuhën maqedonase, u ndahen mjete në lartësi prej 50% të shpenzimeve të bëra për shtyp dhe në lartësi prej 50% të shpenzimeve të bëra për shpërndarje, si dhe medieve të shtypura, që botohen në gjuhën që flasin së paku 20% e qytetarëve që flasin gjuhë zyrtare të ndryshme nga gjuha maqedonase në lartësi prej 70% të shpenzimeve të bëra për shtyp dhe në lartësi prej 70% të shpenzimeve të bëra për shpërndarje, në pajtim me faturat e dorëzuara për vitin kalendarik paraprak.

E drejta për pjesëmarrje

Neni 28-b

(1) Të drejtën për të marrë pjesë në thirrjen publike e kanë mediat e shtypura ditore, javore, mujore dhe lokale të karakterit informativ të përgjithshëm që publikojnë përmbajtje që synojnë informimin e vazhdueshëm të publikut për temat dhe çështjet aktuale politike, ekonomike, sociale, të regjistruara në territorin e Republikës së Maqedonisë së Veriut pranë organit kompetent të përcaktuar me ligj.

(2) Mediat e shkruara nga paragrafi (1) i këtij neni i parashtrojnë Qeverisë kërkesë për mbështetje financiare për shtypjen dhe shpërndarjen e mediave të shkruara.

(3) Mediet e shkruara nga paragrafi (1) i këtij neni duhet t'i plotësojnë këto kushte:

- të ketë të shlyera detyrimet publike për vitin e kaluar kalendarik;
- se nuk kanë procedurë të hapur falimentimi;

- se nuk kanë procedurë të hapur likuidimi;
 - nuk u është shqiptuar dënim dytësor ndalesë për pjesëmarrjen në procedurat për thirrje publike, dhënien e kontratave të prokurimit publik dhe kontratave të partneritetit publiko-privat;
 - nuk u është shqiptuar dënim dytësor, ndalim i përkohshëm ose i përhershëm për kryerjen e veprimtarisë së veçantë;
 - të mos i jetë shqiptuar sanksion për kundërvajtje, ndalim i ushtrimit të profesionit, veprimtarisë ose detyrës, gjegjësisht ndalim i përkohshëm i kryerjes së veprimtarisë së caktuar;
 - të jetë i regjistruar në Regjistrin e Botuesve të Mediave të Shkruara në Agjencinë për Media Audio dhe Audiovizuale;
 - të janë shtypur dhe shpërndarë në treg të paktën tre vjet deri në ditën e shpalljes së thirrjes publike dhe
 - për tri vitet e fundit deri në ditën e shpalljes së thirrjes publike të jenë shitur në treg në vazhdimësi me çmim prej së paku 10 denarë për gazetatat ditore nacionale, së paku 10 denarë për të përjavshmet lokale dhe së paku 50 denarë për median e shkruara nacionale, javore dhe mujore.
- (4) Formën, përmbajtjen dhe mënyrën e paraqitjes së kërkesës nga paragrafi (2) i këtij neni, si dhe dokumentacionin e nevojshëm për plotësimin e kushteve nga paragrafi (3) i këtij neni, e përcakton Ministri për shoqëri informatike dhe administratë.

Procedura dhe kriteret për zgjedhjen e miratimit të kërkesës nga medie e shkruar

Neni 28-v

(1) Procedurën për përzgjedhjen e medieve të shkruara përfitues të mbështetjes financiare për shtyp dhe shpërndarje e kryen Komisioni për mbështetjen e mediave të shtypura (në tekstin e mëtejshëm: Komisioni) e formuar nga Qeveria.

(2) Komisioni nga paragrafi (1) i këtij neni përbëhet nga pesë anëtarë, nga të cilët tre anëtarë të Komisionit janë të punësuar në Sekretariatit e Përgjithshëm të Qeverisë, një anëtar nga Shoqata e Gazetarëve të Maqedonisë (ShGM) dhe një anëtar është nga Asociacioni për Mbrojtjen e Mediave Nacionale të Shkruara (AMMShN), dhe një nga anëtarët e Komisionit zgjidhet si kryetar i Komisionit.

(3) Qeveria me rregullore e rregullon mënyrën e punës së Komisionit nga paragrafi(1) i këtij neni.

(4) Komisioni nga paragrafi (1) i këtij neni, në bazë të kërkesave të parashtruara nga neni 28-b paragrafi (2) të këtij ligji dhe dokumentacionit të plotë, paraqet propozim për zgjedhjen e mediumit të shkruar që i plotëson kushtet nga neni 28-b (3) të këtij ligji për marrjen e mbështetjes financiare për shtypjen dhe shpërndarjen e mediave të shkruara deri te Qeveria.

(5) Për zgjedhjen e mediave të shkruara që i plotësojnë kushtet për marrjen e ndihmës financiare Qeveria sjell vendim.

(6) Qeveria, në bazë të vendimit nga paragrafi (5) i këtij neni, mbështetjen financiare për shtypjen dhe shpërndarjen e mediave të shtypura e paguan me lidhjen e marrëveshjes.

(7) Kundër aktvendimit nga paragrafi (5) i këtij neni, lejohet padi në afat prej 30 ditësh nga dita e pranimit të vendimit deri te Gjykata Administrative e Republikës së Maqedonisë së Veriut.

Neni 3

Në të gjithë tekstin e ligjit fjalët “Republika e Maqedonisë” zëvendësohen me fjalët “Republika e Maqedonisë së Veriut”.

Neni 4

Aktet nënligjore të parashikuara me këtë ligj do të miratohen brenda tre muajve nga data e hyrjes në fuqi të këtij ligji.

Neni 5

Ky ligj hyn në fuqi ditën e publikimit në Gazetën Zyrtare të Republikës së Maqedonisë së Veriut, dhe do të fillojë të zbatohet nga 1 janari 2025.